

॥ वरुणसूक्तम् ॥

(तैत्तिरीयसंहितायां काण्डम् - १ / प्रपाठकः - ५ / अनुवाकः - ११ / पञ्चादयः - ४९-५०)

उदुत्त॑मं वरुण॑ पाश॑मस्मदवा॑धमं वि म॑ध्यम॑ऽश्र॑थाय। अथा॑
व॒यमा॑दित्यव्र॑ते तवाना॑गसो अ॒दित॑ये स्याम॥

(तैत्तिरीयसंहितायां काण्डम् - १ / प्रपाठकः - २ / अनुवाकः - ८ / पञ्चादयः - १५)

अस्त॑भ्रा॒द्यामृ॑षभो अ॒न्तरि॑क्षममि॑मीत वरि॑माणं पृथि॒व्या।
आसी॑दद्वि॒श्वभा॑वु॒नानि॑ स॒म्राड्वि॑श्वेत्तानि॒ वरु॑णस्य व्र॒तानि॑।

(तैत्तिरीयसंहितायां काण्डम् - ३ / प्रपाठकः - ४ / अनुवाकः - ११ / पञ्चादयः - ४६)

यत्किं॑ चे॒दं वरु॑ण॒ दैव्ये॑ जने॑ऽभिद्रो॒हं म॑नुष्या॑श्चरा॑मसि। अचि॑त्ती॒
यत्तव॑ धर्मा॑ युयोपि॑म मा न॒स्तस्मा॑देन॑सो देव रीरिषः। कि॒त॒वासो॑
यद्रि॑रि॒पुर्न दी॒वि यद्वा॑ घा स॒त्यमु॑त यन्न वि॒द्म। सर्वा॑ ता वि प्य
शिथि॑रेव॑ दे॒वाथा॑ ते स्याम वरुण॑ प्रि॒यासः॑॥

(तैत्तिरीयसंहितायां काण्डम् - १ / प्रपाठकः - ५ / अनुवाकः - ११ / पञ्चादयः - ४९-५०)

अव॑ ते हेडो॑ वरुण॑ नमो॑भिरव॑ यज्ञेभि॑रीमहे ह॒विर्भिः॑।
क्षय॑न्न॒स्मभ्य॑मसुर प्रचेतो॒ राज॒न्नेना॑सि शिश्र॑थः कृ॒तानि॑॥

(तैत्तिरीयसंहितायां काण्डम् - २ / प्रपाठकः - १ / अनुवाकः - ११ / पञ्चादयः - ६५)

तत्त्वा॑ यामि॒ ब्रह्म॑णा वन्द॑मानस्तदाऽऽशा॑स्ते यज॑मानो ह॒विर्भिः॑।
अहे॑डमानो वरुणे॒ह बो॒द्ध्युरु॑श॒स मा न॒ आयुः॑ प्रमो॑षीः॥

ॐ शान्तिः॒ शान्तिः॒ शान्तिः॑॥

 generated on **February 1, 2025**

Downloaded from

 <http://stotrasamhita.github.io> |  StotraSamhita | [Credits](#)